

TAZIRI TAMIRI
By Hassan Thidrin

Cemm wer yezrin llif
Wami ya nemsafaḍ
Yewḍa-yas-dd umetta
Yeyza miṭru dey wcal [ḍgg^w car]
A Balinesyana
Teejjej xe' Nnaḍur
Ay arrub ucedbey
Ass wami yugur
Yriy u'y-dd-ittesli
Ceyrey ur dd-itteḍhur
Lalla yemma yugur
Lalla yemma yenya
Tungalt n tiṭṭawin
Yejj' itt ad temlawa
A tiyara yeḍwin !
Bedd uc-ayi lexbar
Buḥbel n 'la teksid
Ma yemmut ma yeddèr ?
Muk das ya gey i Buya
D wallun iyèrfen
Mkur t id ya idarey
Ad ruy imettaawen
A Seppanya teccur
A Madrar ieemmèr
Ksiy amnus i cekk
Ay iman ae leàmèr
Ae Franku xiniran !
May kka tawmatt-inew ?
Ma temmut ma teddèr,
Ma yetṭf-itt Arruxu ?
Cekk ay das yennan
Seppanya qqa tudes
"Arruxu", a leedu !
Ma'n jèr ay dd akid-es ?
Memmi ay ul-inew
Memmi muk dayi yedwel
Yedwel am umuḍin
Yettnekkaren idegg^wel
Min uliy min ḍriy
Min qqimey dey wbrid
Taziri tamiri
Mayemmi xèfi texsid ?

TAZIRI TAMIRI Prt. II

Necc udergh ad swegh
Udrusen ayi waman
Tudrus ayi tewmatt
Ususen ayi yeghsan

Tsummèr-dd taziri
Tesseh'seh' x yegedman
Aya lalla yemma
Ffudegh wer ufigh aman

Aya lalla yemma
Yexelq-ayi ziru
Yexelq-ayi weàessas
Ae gi taddart inew

Yeccur el-wat'aney
S el-munyu bat'el
Wer g-s bu tfent'azeyt
Ad yejbed ghèr las'el

Ad hwich ar Biya
Ad hwich ey welleh!
Aya bu-lwat'aney
Yewta baba-k lleh

Ksi-c ae fud inew
Ssara mayma texsed
Ar taddart n las'el
Ad taweyd wi texsed

Ae nnubeyyatt inew,
Aya mm-tt'akuni!
Ula! Ist'a(r) byin,
Ae llif inew aced'bey?

Ssigh ay dd allun-nni!
Ae llah nd'èr eç-çmèr!
Ifutixen urin,
Ae minkabull'amar!

Tsummer-dd taziri
Tesseh'seh' x yegedman
Aya lalla yemma
Ffudegh wer ufigh aman.